

## MORRIS, Syr LEWIS (1833 - 1907), bardd

**Enw:** Lewis Morris  
**Dyddiad geni:** 1833  
**Dyddiad marw:** 1907  
**Priod:** Florence Julia Morris (née Pollard)  
**Rhiant:** Lewis Edward William Morris  
**Rhyw:** Gwryw  
**Galwedigaeth:** bardd  
**Maes gweithgaredd:** Addysg; Barddoniaeth  
**Awdur:** Gwyn Jones

Ganwyd 23 Ionawr 1833, yng Nghaerfyrddin, mab Lewis Edward William Morris - yr oedd yn or- yr i [Lewis Morris](#) ('o Fôn'). Bu yn ysgol ramadeg y Frenhines Elisabaeth, Caerfyrddin, yn ysgolion y Bont-faen a Sherborne, ac yng Ngholeg Iesu, Rhydychen (1851; graddiodd yn 1856), ac fe'i derbyniwyd yn fargyfreithiwr yn 1861.

Cyhoeddodd yn 1871, eithr heb roddi ei enw wrtho, *Songs of Two Worlds*; daeth ail a thrydedd gyfres o dan yr un teitl yn 1874 a 1875. Dilynwyd y rhain gan gyfrolau eraill o farddoniaeth; o'r rhain *The Epic of Hades*, 1876-7, ydyw'r mwyaf adnabyddus a'r mwyaf uchelgeisiol. Y mae ei farddoniaeth yn iachus ac yn llifo'n rhwydd eithr heb fawr ysbrydoliaeth ynddi.

Gwnaeth waith a bery'n hwy na'i farddoniaeth drwy hyrwyddo addysg uchelraddol yng Nghymru. Yn 1878 daeth yn gydysgrifennydd Coleg Prifathrofaol Aberystwyth, bu'n gyd-drysorydd y sefydliad hwnnw, 1889-96, ac yn is-lywydd o 1896 hyd ei farw. Ceisiodd lawer tro gael ei ddewis yn aelod seneddol, eithr methodd; Rhyddfrydwr ydoedd o ran ei wleidyddiaeth.

Priododd, 1868, Florence Julia Pollard, a bu iddo ef a'i wraig ddwy ferch ac un mab. Bu farw 10 Tachwedd 1907.

### Awdur

Yr Athro Gwyn Jones, (1907 - 1999)

### Ffynonellau

*Oxford Dictionary of National Biography*

*The Cambridge history of English literature* (1908-1927)

### Darllen Pellach

A. H. Moncur Sime, [Lewis Morris: poet and teacher \(Westminster 1895\)](#)

J. Austin Jenkins, W. T. Pike (ed.), *South Wales and Monmouthshire at the opening of the twentieth century: Contemporary biographies* (Brighton 1907), t.201

Erthygl Wicipedia: [Lewis Morris](#)

## Delweddau

LIGC: [Sir Lewis Morris](#)

LIGC: [Syr Lewis Morris](#)


London Stereoscopic Company, [Sir Lewis Morris](#)

## Dolenni Ychwanegol

VIAF: [47974151](#)

Wikidata: [Q6536902](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

